

подобящися ему в всяком известии, таковии въследуютъ ему. В Никонской книге в 1-м слове о молитве и послушании и о божиих заповедех: Криво-сказующих от своего сердца по плотских волях наших и ради сих все христианство упражняемъ, недугъ же се святыми отци ересемь съпричитается и нарицаются таковии кривосказатели и противу падению своему именованиа стяжаниа и прочее. В Никоне 63-м слове, от градскаго закона после ереси — и сиа правила яже предрекохом подобней градстии закони сице глаголять: Яко еретикъ есть еретичьским подлежить законом и мало что || укланяйся от православныа веры. И Василя Великаго правило л. 516 85 тому же подобно.

В 2-мь слове о учителях и о учиницах, и о послушании Иван богослов глаголя: Яко мнози блазнители изыдоша в мир, и всяк убо преступай и не пребываай в учении Христове. Се бо не имать пребываай же в учении Христове — се отца и мать и сына. И в третиемь о сем же и прочее. И апостолово: *Аще мы сами или ангел благовестить вам с небеси, еже паче благовестихом — анафема да будетъ. И паки в третием слове о святем душе Златоустаго: Аще кто от Евангалиа учить и глаголетъ — се есть от святаго духа. Аще ли кто от своего разума учить и глаголетъ — сии есть от лукаваго. И в 2-м к сему же о ересех их лукавых и прочее. В пред- л. 516 об. словие || послании Никонском: Вся яже чресь церковнаа правила учителства и въображение святых приснопамятных отец новосътворенаа или по сем съдеатися хотяща анафема ему и прочее. И 4-мь слове: тако же о семь пишеть к концу слова. И паки в 8-мь слово: Застороницю яко любя и бога, не оскорбляеть, ни оскорбляется на кого временных ради. Единую же скорбию оскрбляеть и оскорбляется спасеную, ея же блаженный Павел оскорби коринфяны и оскорбися и прочее. Тако же о съблажняющих и о съблажняющихся и о гневающихся. В Евангелии о душе святемь в неделю 50-ю и в Матфее зачало 116, а в Иване в зачале 27, а в Апостоле зачало 73 и 96, а в Василии Великом 144 в Постыничьских словах о душе святем || в себе имуще. А в Сборнике в постномь слово 1 Ивана Злато- л. 517 устаго в неделю 50-ю и Поучение о том же, и о пьянстве.*

И в Никонской книзе в 3-мь слове о святем душе Златоустаго: *Аще кто от Евангалиа учить и глаголетъ — се есть от святаго духа, аще ли кто от своего разума учить и глаголетъ — сии есть от лукаваго, прочее. В втором слове к сему же о ересех лукавых.*

Григориа Синаита. Иже кроме духа пишуще и глаголюще и церковь създати хотящей, еще внисуть, яко же негде рече божественый апостол: Духа не имущей, таковии бо повини суть клятве глаголющей — горе разумным в себе и пред собою художным, от себе бо глаголють, а не дух божий есть глаголяй в них по господню словеси, от своих убо помысл прежде чистоты || глаголющей — духом мнениа прелстишася. О сем бо гла- л. 517 об. голеть притча: Видех мужа мневша в себе мудр быти, упование же пачи его имать безумный, еже не бывайте мудри о себе, премудрость запрещает нам. Но и сам испльненный духа божественый апостол исповедаеть глаголя: ни бо доволни есмы о себе помяшляти что, яко от себе, но доволство наше от бога и еже не яко от бога пред богомь о Христе глаголемь. Но таковых словеса не сладкая и не просвещена, не от живаго источника духа при- емлюще и глаголюще, но яко же от некоего езера тименнаго сердца, пиавица и змия и жабы, похотем възношениа и невъздръжаниа имущаго, питающе; и вода разума их смердящи мутна же и тепла, юже пиюще и на възгнушение же и скалредие, и блевание пременуемы обращаются. л. 518 В Евангелии от Матфеа о обличении в зачале 75, а в Апостоле в Ъвановех соборных посланиих: Горе им, иже в путь каинов въходяще по своих похотех и сквернавых; в зачале 229-м и 286-м и 295-м и 297 и 302.